



12616

衡藩重刻胥臺先生集卷之十

行狀 傳 誄 祭文

封安人母葛氏行狀

右春坊右諭德屠公行狀

鴻臚寺序班湯君行狀

上林苑監錄事殷君行狀

中順大夫鎮遠府知府伍公行狀

陳體元行狀

李空同先生傳

胡端敏公傳

大齊先生集卷之七

御史大夫盛公傳

湯隱君傳

司經局洗馬尹公誄

祭故少保大司馬端敏胡公文

祭玄冥回祿文

祭中大夫叅政張公文

祭祝京兆先生文

祭施邦直文

祭吳懋憲文

祭封虞衡主事伍公文



祭楊宜人文

祭董夫人文

祭毛安人文

祭王封君文

祭太學周生文

祭王履吉文

祭伊師文

祭施母吾夫人文

祭少宰徐師文

入晉書元集卷之十七

二

蘅藻重刻胥臺先生集卷之十七

明吳郡胥臺山人袁泰永之甫 著

長洲後學甥葵亭張燠蓋甫 校

封安人母葛氏行狀

母姓葛諱某字某長洲人也世家婁門中之華陽橋父敬母傅氏母生而仁慧貞婉粗通書計年十六而歸于我父我祖介隱公有丈夫子三人俞祖母生伯子教諭公趙祖母生仲子儀制公暨叔子即我父也介隱公老分三子居而仲父與我父寔同居介隱公暨趙祖母依焉我母

上順舅姑旁接妯娌下御女奴咸有禮則介隱公喪趙祖母獨主家而伯母韓夫人病不能下床趙祖母性卞急無當意者我母日侍側能當其意對他人嗃嗃嚴對我母未嘗不欣欣說也伯母韓夫人生子二人曰袞曰袞女三人我母生子四人曰表曰褰曰褰女五人吾兄弟九人者皆吾母自乳之而韓夫人病不能乳子女我母又皆乳之袞褰生同歲我母兩懷之必先乳袞而後褰袞不飽不乳褰也嗚呼昔詩人叙鳴鳩稱七子均愛然未有乳猶子均且先者

也伯父暨我父教諸子雖家貧必館良師傳我
母親中饋必致豐潔人問之我母對曰夫醴酒
之設所以尊師傅也師尊而子成子成而宗亢
夫尊師所以迪子迪子所以敬宗也婦人之職
在中饋中饋之事先宗廟師保次之敢不豐歟
敢不潔歟趙祖母喪仲父暨我父猶同居者垂
二十年友于怡怡白首無間言而我母暨韓夫
人亦終無間言乃後孫子蕃所居且隘我父母
乃遷于采雲里之新第泰之逮詔獄也我母聞
而驚悸病作泰配湖凡二年念我母病嘗請於

上官而歸母不言病也哀沖太子生泰蒙赦歸
我母曰而今歸邪我病久矣引泰手撫其體骨
瘠如柴泰泣數行下母曰吾病久矣而無憂也
不五月病大作遂不起我母生天順某年月日
卒嘉靖某年月日春秋六十有六子男四人名
列于前婦朱史吳馬女五人壻張瀾湯儔張守
誠申誠伍孝光又庶子男二人女二人未字孫
男九人孫女七人我父卜以某年月日將葬我
母于寶華山之先塋命泰狀行實以乞銘志為
不朽之圖竊惟誅謚之興表志之作所以昭夷

勸來也矧如吾母累善者耶小子泰陋也無文且迷眩不能詳憶我父時時數言我母歸時方食貧與韓夫人屏被紉刺以佐家韓夫人使女紅日製鞵貿易而我母稍手緩不如韓夫人則以夜繼之必欲如韓夫人備嘗諸苦辛者四十五年及泰官刑曹今天子勅封我父為刑部主事我母為安人冠珠翟帔霞褶鷲命服煌煌我母曰吾屏被時寧意此邪而我母性儉素不喜華飾所被服一如食貧時非大禮宴命服不服也我又重然諾好義凡宗人姻交貧無依者咸樂助之財而宗人姻交多負我父我父間不能平我母進曰人之負我非我負人柰何不平邪我父笑曰真吾妻也我母慈子婦有過頗含怒於心弗撻也其視童僕亦然宵星之惠蝨斯之澤詩書所載蔑以加矣伏惟當代之宗工鉅儒立言為經序事為史如我母者忍無惠之銘耶哀子泰泣血稽顙謹狀

右春坊右諭德屠公行狀

屠公諱應峻字文升先世陳留人南宋徙嘉之平湖始祖曾一曾一生亨一亨一生澤民澤民

生湘湘生機機生太保康僖公勲康僖公有文
夫子六人而公最幼繼室封一品夫人牛氏出
也始生之辰發策筮之得震之漸曰鸞德如玉
飛上高木鼓其羽翼光照四國康僖公喜曰是
兒其貴乎必以文名稍長日誦千餘言機警不
羣康僖公每宴客輒探句令對應聲出奇語坐
客盡警言年十二三康僖公為諸子論說史傳未
竟令諸子逆計成敗公越次懸斷若素習者康
僖公愕然曰生兒不當如是邪年十五康僖公
薨號泣癯毀人以孝稱服闋陰入太學時伯仲

皆舉進士貴顯而公一再試不第里中人或訛
笑之公乃發憤讀書貫綜百家言文名大起嘉
靖乙酉舉應天鄉試第二丙戌舉進士選翰林
庶吉士時閣臣務紛更制典諸吉士皆少年負
氣不肯謁諸閣臣出又不避騎遂奏出諸吉士
悉改部寺等官公拜刑部主事以才望署本科
參核明允平反者甚衆歲季秋囚當決者已三
覆奏矣公上疏請緩死 天子覽奏如所擬得
全活者二十餘人戊子之歲 天子命京朝官

主各省試公奉命校文江西時閣大臣有屬其

三子者曰即第當重貴君公唯唯退而曰國家
百七十餘年惟貢士之法秉公不廢故巖穴之
士得以自見若苟徇私請將安用選試為於是
遂行至則夢人有以醜進者辭不受覆地地墳
覺曰寧墳母亂卒無所私事竣還報閣大臣怒
曰屠主事悔予其以我力不能令若遠戍乎而
閣大臣竟以事罷去庚寅調儀制主事辛卯進
貢外郎壬辰陞祠祭郎中尋調儀制郎中時
天子定禮樂肇建郊祀公與有勞焉癸巳改翰
林院修撰仍五品服上疏辭免尋乞歸省乙未

天寶集卷之七

七

奉命校

累朝及

皇考寶訓實錄丙申

訓

錄成賜白金文綺侍宴謹身殿陞侍讀經筵

皇太子生詔使河南諸藩諸藩王所錫賚秋毫
無所受戊戌同考會試秋主考武舉時稱得人
是歲交趾不靖詔諸公卿會推才猷言語冠世
者往諭之廷舉今吏部侍郎茶陵張公暨屠公
或謂險遠公奮然曰臣無橫草之功幸侍講慝
得奉使命當宣天子威德揚聲萬里外不亦
偉乎頃之竟罷遣使云己亥陞春坊右諭德時
春宮初建慎簡僚采而諸臣幸有渥恩覲為官

傳者甚衆於是給事中御史槩論諸官僚公亦
在論中章一再上所論十八人者皆罷免有

旨獨留公或謂屠公曰天子方知君誠以此
時奏賦頌必得近幸公喟然曰臣蒙恩待以不
誅雖捐軀暴骸無以自效迺欲乘機徼進邪公
素脩謹橫被口語頗懷不平且耻不自表見遂
抗疏乞歸曰臣有狗馬疾願放還田里倘不即
死敢忘所以報陛下者疏三上得請歸而疾
作壬寅牛夫人卒公號踊幾絕氣息僅屬勉治
喪葬遂大漸丙午正月之十三日竟卒卒之前

夢遊衡山揖衡山君而進焉與坐見大署兩廡
間曰卒明年正月十三官至二品增壽一紀晨
呼其諸孤曰我始將死矣我宦遊二十年官不
踰五六二品增紀者其易歲之義乎我始將死
矣至是果不起嗚呼異哉公簡伉儷不事家
人生產作業耻言九九之數輕財樂施振窮周
急諸所假貸力不能償者輒焚券待昆弟尤厚
煦煦無宿怨也所交皆當世名士篤於友誼泰
之舉于鄉也與公實繇名又同舉進士同讀書
中秘特相親暱武庫災褻下詔獄罪且不測

公旦夕且壺餐潛餉遺獄中數存問予家人遣
成之日諸薦紳謂官校方偵邏莫敢送公獨匹
馬出郊外握手別雅好文史雖疾甚不釋手為
文章奇宕有氣常希司馬子長楊子雲之風所
著有詩文集若干卷方 天子幸承天公扈從
夜投宿民舍中或中官至爭舍輒避居舍外卧
卧未湏史輒起鼉或枵腹冒霧露疾馳數千百
里乃就食飲緣是得奇疾方在告泰承乏西粵
道出樵李候問床下公疾已不可為猶開口論
天下事疊疊不少休性好臧否豈稱曰讀不盡

天下書了不盡天下事乃若此已邪公之志直
欲縱橫古人凌駕時輩揚功名於千葉而竟若
此已邪公生弘治壬戌卒嘉靖丙午享年四十
有五配項氏累封宜人少保襄毅公之孫叅政
公之女子男五孟玄太學生娶金氏仲律中甲
辰會試娶張氏繼沈氏仲行府學生娶包氏叔
方聘趙氏叔章聘牛氏女四長適富于文次適
吳邦棐俱太學生次適吳繼庠生次許常氏孫
男四謙同餘尚幼孫女四孟玄等將乞銘於太
史氏以泰知公之深也乃以狀請嗟乎妖夢是

踐竟嬰二豎之痾哲人其萎徒切百身之贖爰
昭純懿以表幽潛立言君子庶採擇焉謹狀

鴻臚寺序班湯君行狀

君諱溼字某其先江陰人高祖某曾祖某元季
兵起徙吳之集祥里祖某以子貴贈承德郎大
興縣尹考某君風義魁朗材質敏達少受易於
施太守煥伯為高第弟子亟為武功伯徐公有
貞叅政祝公顥所稱然耻佔畢章句乃棄去走
齊魯燕趙縱觀京闕所親或規之曰吾安能效
儒生俛首膠庠覲一第邪以例授鴻臚寺序班

天啓堂全集卷之七

日與王公貴人游爭致門下有疑事必與君商
謀沉慮確斷悉中肯綮君性慎密絕夸矜揚露
多所援助未嘗言于人雖出入薦紳間能識幾
遠勢武廟初闡瑾薰灼即拂衣歸人尤以是
多君家居逾二十年罕謁公府見流俗汚敝士
大夫承接守令如事侯王甚醜之曰吾嘗抗禮
公卿無少遜屈今乃欲泆忍降志如輿僕耶部
刺史南海林侯雅善君欲即公署廢地為闕舍
君辭之曰有憲籍在吾不敢私也刺史而下咸
致禮敬君藉成業又多心計善廢舉遷化皆益

維而節縮慎費竒羸無滲泄晚歲築臺榭園池
雜蒔花木觴詠其間戒不通雜賓惟叔氏文守
君暨故況京兆先生相社會宴暱至即張筵陳
聲伎相娛令節則載酒徜徉湖山終其天年云
嘉靖己丑七月十四日以疾卒享年六十有九
生于天順辛巳九月某日初娶何氏繼章氏側
室張氏高氏子男一仕偉高出內閣供奉序班
娶諭德沈公良德女女二長章出歸國子生仁
和汪師夔次張出歸長洲仰龍孫男五鳳徵鳳
來鳳翽聘徐吳周餘幼孫女二余忝君族姻以
其孤仕偉之請也乃述其大者以俟立言君子
銘焉

上林苑監錄事殷君行狀

君姓殷氏諱清字德秀蘇之嘉定人也高祖考
潮升生以迪迪生輅輅生維維生君君志量弘
犖負材氣少頗喜田獵馳騁好義任俠投機應
變有策士之風旣壯乃佐厥考以儉勤兀其家
鄉人咸推之以長鄉賦有事者咸取直於君入
皆補鳳陽都司知印丁母李碩人憂服闋授後
軍都督府神策門吏目能其官都御史王公憲

材君奏帶自隨贊助陝西軍務與有勞焉三載考績 武皇帝賜勅命進階登仕佐郎而子甫以鴻臚寺序班直內閣乃上疏乞致仕曰臣東海民也因緣際會竊一命之榮圖惟所以報

陛下者敢不盡力惟臣父維犬馬齒衰臣鮮兄弟乞以不肖之身放歸田里得終養其天年不勝大願命下吏部以例進上林苑錄事致仕歸至揚州聞父喪驚慟幾絕奔還治喪事致不踰禮內外稱之未幾甫以觸忤權貴出為撫州檢校在任九年歲餽之粟且手書誨之曰慎哉母

大齊先生集卷之二

七

卑而官三事之訓爾其敬之哉尋陞山東按察司照磨君戒之餽之粟如在撫也甫念君老棄官歸方將以孝養而君不祿矣君篤於倫誼制義田以贍其宗人鄉之不足者則賑之歲歛散以為常而勿收其息嘉靖丁亥歲饑有司勸貧輸粟千石以為倡有司上其事于 朝表其門曰尚義之門而君復減糶所賴以全活者甚衆有司高其誼數請鄉飲力辭之君抗直好面斥人過頗有不足者久之知君無他腸乃更德君君起布衣官京師游公卿間公卿咸材之與之

游及歸老田里輕材好施逍遙林泉累石為山
廣樹花木以自娛富而能散貴而不驕賢矣哉
生成化某年月日卒嘉靖某年月日配秦先卒
子男四甫泰出歷官山東按察司照磨申側室
高出冲坤俱側室尹氏孿子也女五人婚封樟
姚炫葛士龍朱世揚一幼孫男四人度庶序賚
孫女四人墓在沈浦洪祔先塋禮也葬有日矣
惟太史氏銘其幽焉

中順大夫鎮遠府知府伍公行狀

伍公諱餘福初字君求更字疇中其先楚大夫

舉之裔也元至正間有諱顯之者以處士徵不
就乃自禱李徒吳中一傳為真隱先生某國初
以賢良徵為湖州掾真隱生宗理宗理生時美
時美生允剛以公貴封工部管繕司主事公其
仲子也髫髻補郡庠弟子負弘治乙卯應應天
鄉試時州而試者三人公與海門崔桐吳郡蔣
燾京兆尹賈公某見而竒之曰此三鳳也累試
輒不利御史張公璿提學南畿嚴重少許可考
公文第一亟賞嘆焉正德丙子舉鄉試丁丑聯
第進士授長垣縣知縣長垣古蒲城也下車慨

然曰蒲子路之所治也吾夫子之所善也敢不
勵與乃名其堂曰三善而刻銘其壁邑故有逢
于祠改而新焉乃於是均賦役禁吏胥䟽滯囚
登俊髦而邑大治 武皇之南巡也道出長垣
供億繁費公處之裕如而民不擾三年政成召
拜工部營繕司主事 天子推恩臣下得封其
父母乾清宮成復拜金幣羊酒之賜我朝置繕
工司專理贖刑其輸內局者中人悉倍取之繇
是輸者咸避內而趨外弊日滋甚公乃白其事
于大司空趙公璜而䟽正之法始畫一嘗攝營

繕司事季終所積羨餘悉輸之公帑不以自私
趙公曰自我為司空不私羨餘者惟伍主事一
人耳尋以言事得罪幾貶危丁李安人艱奔喪
南歸尋丁外艱居喪有禮服除陞刑部員外郎
尋調兵部車駕又改職方職方所轄者將官也
考察精嚴請謁不行陞武庫司郎中亡何以讒
謫安吉州判官州之西有唐李衛公祠圯於火
矣公創而新之督造黃冊釐剔宿弊吏不敢欺
冊上諸郡皆駁安吉獨不駁考滿陞建昌府同
知單車之任不以家累自隨清操堅苦而同官

墨者以公為迂陰中傷之而公決志歸矣章再
上 聖天子惜其才遂有鎮遠之命不就歸未
幾得旨致仕公性高簡外若方嚴而內實和坦
不知者謂公傲而實非傲也所至以文字自娛
放情山水嘗與殿撰舒公芬謁孔林闕里飲七
十二泉又縱遊泰岱燕山武夷天目諸名嶽相
與倡和者皆當世宗匠其詩春容雅麗不事剗
剗而氣格自殊所著有北馳錄西山探梅集安
吉新志遊天目山記虔行錄而吳中水利論援
證精覈議論通達公之用世亦槩見乎此矣家

居杜門謝客手不釋卷耻問家人生產其嘗悉
為豪奴所有其黨有黠吏深於鄧思賢之術訐
告紛然而有司反左右之公之子孝光繫獄者
數月公以此鬱鬱成疾乃後事稍得白而公竟
不起矣泰童時即辱公知既同官兵部而孝光
者又襲之同母妹夫也公既歿孝光撮公懿行
將以乞銘於史氏乃委襲次叙其事顧予小子
惡足以發潛述媿所託以不朽者有太史公在
謹狀

陳體元諱乾蘇之吳縣人也其先鳳陽人宋靖
康間始遷于吳胡元時有名良炳者官翰林學
士同知太醫院事其後有新齋公者仕于 皇
朝為郡醫學正科新齋公生本道本道生彥斌
彥斌生仲和仲和生公學公學生體元陳氏之
醫自學士公始其專門小兒醫則自本道始本
道贅于孟氏始傳其顛顛之術而實大顯于君
君承襲世業于古方書靡不探究其治疾審察
精氣標本虛實溫涼燥濕之用其言小兒壽夭
病之起不起時日淹速若刻券契百不失一吳

中治嬰兒者必走君無弗應手效者陳氏術業
高多通顯者獨君不仕而醫名實冠吳中旁郡
邑咸奔走之君退遜謹朴言循循若不出口自
薦紳至氓隸咸愛敬之或侮之亦不較也娶董
氏先卒故翰林檢討徽府長史彞之女生丈夫
子四人伯曰志遼府良醫娶李仲曰恩楚府良
醫娶楊繼顏叔曰惠府醫學正科娶王季曰慈
常孰醫學訓科贅于沙女二人嫁孔彥義吳用
孫男七諤諫議諒諧譜諭諫縣學生孫女七曾
孫男三曾孫女二君生某年月日卒某年月日

春秋若干墓在武丘鄉駒字圩

李空同先生傳

李公諱夢陽字獻吉陝西慶陽人也母夢日墮懷中寤而生公故名年十八舉鄉試第一明年弘治癸丑舉進士丁內外艱戊午授戶部主事倡為古文辭以變衰陋斷自秦漢而止六代以下弗論也乙丑進員外郎外戚壽寧侯張氏怙寵驕縱開張皇店奪民莊田聲焰薰灼莫敢問公獨上疏論語侵中宮 昭聖大怒 孝廟不得已下公錦衣衛獄拷掠詰責辭氣無所撓

孝廟坐文華殿召見大學士劉公健李公東陽謝公遷問李夢陽宜何如劉公叩頭對曰夢陽狂直不足深罪 孝廟色變李不敢對叩頭叩頭而已謝公從容對曰李夢陽雖狂然其心無他實欲効忠於 陛下 孝廟曰謝先生言是有 旨夢陽復職一日 孝廟獨召見兵部尚書劉公大夏問曰日來外間事何如劉公對曰近釋李夢陽中外歡呼 聖德如天地之大孝廟曰初下夢陽獄中人皆勸朕杖之其意實欲殺夢陽以快中宮之怒使朕負殺直臣名

其不忠如此朕故釋之劉公曰 陛下此事即堯舜之心也正德改元丙寅進郎中太監馬永成劉瑾等蠱亂朝政給事中劉進陶諧相繼論奏而大臣未有言者戶部尚書韓公文日流涕憂憤公進曰大臣同國休戚此而不言焉用彼相韓公慷慨曰吾當言言而獲罪報 先皇帝於地下耳乃令公草奏文多載集中疏入 詔廷議其事而八人者環哭 上前乞命事中變瑾遂召入司禮監而中官王岳范榮皆竄死明年丁卯大臣多罷免瑾知韓疏公手草也蓄憾

不已矯旨奪劉公健等四十八人官放歸田里榜為黨人公與焉然瑾必欲殺公又明年戊辰矯旨羅織公罪械繫逮京師再下錦衣獄公之內弟左國王者閒行徒步從公上書康狀元海勉以大義賴力救得免放歸大梁庚午瑾敗辛未起公江西提學副使振起古學力變宿習褒獎義節訓正禮俗士翕然向風時宸濠懷逆招致文學凡吏江西有才名者即啗以厚利否則威劫之以公有大名折節下之公初不為動久之墮其術中乃公不知也公既材高負氣不肯

同流俗人人多忌之而江御史某與公有嫌遂
相奏訐天子命大理卿燕忠體勘下公廣信
獄摧苦殊甚公不稍為屈竟文致聞住而布政
使鄭岳適為濠所陷公素與岳不相能岳既得
罪謂公傾之也濠敗辭連公賴刑部尚書林公
俊力救得亡窮治乃後大臣暨撫按數論薦為不
用嘉靖辛卯就醫京口還大梁病卒所著有空
同集若干卷余戊子歲使大梁以書投先生辱
賦答相逢行一見甚驩談讌累日夜是後人從
大梁來先生必有書遺辛卯以所著集見託屬
續之日遺言必表生表吾墓而先生之子伯材
馳書京師曰亡父落落大節世或未盡知子必
傳之嗟乎先生之名同天壤敝可也而何藉於
子世有不知先生輒開口唯黃者請三復於斯

文

論曰昔人言文章與時高下不其然哉漢氏去
古未遠古文未喪然自遷向雄固而下亦鮮稱
矣唐則韓柳宋則歐王蘇氏父子咸以所長擅
稱而說者猶多低昂謂宋之不逮唐猶唐之弗
逮漢也我明文章發于金華數子而宋劉二

公雍容述作潤色鴻業特尚典則雖竒麗不足而朴醇有餘要亦氣運熙洽使然也 列聖紹統人文宣朗暨弘治間李公夢陽以命世之雄材洞視元古謂文莫如先秦西漢古詩莫如漢魏近體詩莫如初盛唐乃與姑蘇徐禎卿信陽何景明作為古文辭以蕩滌南宋胡元之陋而後學者有所準裁彬彬郁郁茂以尚矣李公材最高其人負奇氣傲睨一世以是得奇禍坎壈終其身世咸疾之如讐嗟乎斯人也豈世俗所能容哉

胡端敏公傳

不韋堂先生集卷十七

下

胡公名世寧字永清浙之仁和人也幼有大志數夢偕于少保立朝議軍國事弘治壬子舉鄉試第二癸丑舉進士授德安府推官以薦陞南京刑部主事數辨疑獄陳備邊十事復應詔陳六事奏入皆不報遷員外郎時逆瑾擅朝劉瑯為守備都官咸修謁公獨不往機戶侵官繇累萬公擬畫本法御史阿瑾意劾公失入庭中議皆直公阿瑾者竟抵罪進郎中陞廣西太平府知府郡邊荒土官雅不庭參公下令延見長吏

撫以恩信而絕其私饋及因他出過其營單騎直入坐帳中縱閱騎射良久乃還子弟應嗣官者輒為保任由是民夷皆感悅太平州土官李璿阻兵拒命潛檄龍英州趙元瑤捕斬之因大城壺關條治蠻事上之丁內艱補知寶慶約岷府母受訟中人橫斂者悉裁以法治如太平時擢江西副使備東鄉兵撫馭及側征姚源賊王浩八及建昌毛坊盜皆有功因城廣昌南豐新城三縣賴之宸濠反有狀莫敢言者公發憤上疏其略曰江西失火延燒萬室基地便利盡歸

王府債負所責遍及閭閻莊田所侵激民立寨三司官多受鈐束問刑叅吏舉奏成案買辦漸行於遠府騷擾遍逮於窮鄉臣下多懷二心禮樂政令漸不出自朝廷寧王自討護衛以來威勢日盛乞戒諭止治其國內毋撓有司有旨戒濠濠乃行萬金間用事諸大臣奏公離間親親妖言誹謗逮捕甚急而公先已遷福建按察使因間道走京師投繫詔獄刑訊逾年數從獄中上書皆不報言官交章訟公寃久之得減死戍遼東瀋陽中衛躬履行間授徒以自業凡四

戴濠反書聞赦歸田里復湖廣按察使擢僉都御史巡撫四川處松蕃軍餉令近邊者輸租于邊而縮其額以所縮加徵內地內地勿輸邊復條奏安邊便宜四事今 皇帝登極召為吏部右侍郎聞外艱去既免喪上疏乞早定追崇之禮而赦群臣議禮不合之失因言宦官外戚不可假以威權言官不可加罪藩臬守令多不得其職累數千言召拜兵部左侍郎進言保養聖躬在慎起居節飲食願慎用醫藥又撰講義三章以進 一大學惟仁人能愛人章 一洪範惟

辟作福章 一易繫辭不出戶庭章 二疏皆留中大禮成陞俸一級丙戌知武舉引疾改南京吏部左侍郎進工部尚書尋以左都御史召道改刑部尚書用議者言加太子少保仍左都御史掌院事入見辭免官保上疏宜虛心以執中使喜怒賞罰發皆中節及論聽言用人之道 上

嘉納焉既總憲務持大體奏上畫一之法申明職掌凡十條乞復執法被誣者官詔付所司施行而考察奪職枉者始許言官論辨矣改刑部尚書凡中外諸司獄囚叅讞務允不以文法嫌

怨禍福自阻至罪在不測衆莫敢言者必奮身
論救正德中土魯番謀奪甘肅哈密入貢者為
之內應副使陳九疇知其謀大索甘州城中回
夷裒甲者悉獻殺之而身自搏戰敗土魯番兵
至是憚人轟能遷上書言哈密之不能興復者
由陳九疇妄殺啓釁也事連致仕兵部尚書彭
公澤時王瓊復總制陝西軍瓊故與澤交惡而
大臣陰主瓊遂捕九疇下獄議坐極刑公嘆曰
使我典刑獄而殺一忠臣吾寧先死乃抗章申
理願以數口保之上大感悟陳得減死戍遼

東彭編氓隴西豪柳瓚誣巡鹽御史王朝用陰
事有旨逮治公奏恐傷憲體事竟直焉劾去

郎官之錄囚不當者其因事建明得著為令者
三翁姦子婦未成者減死一也竊盜自首得減
者免刺二也庶人在官應守法而不守者並依
枉法科三也復因災異陳言勤聖賢一事恤民
任官九事轉兵部尚書加太子太保陳兵政十
事土魯番劫曲先衛人牙木蘭以為將蘭擁族
帳內徙土魯番遣使求蘭將甘心焉大臣即欲
予之以易哈密公言曲先本服屬中國蘭反正

歸順非納叛比而哈密空城縣遠無益事實正宜厚牙木蘭以風蠻夷無為土魯番所欺請

勅下王瓊先畫復瓜沙之地收合亡失屬夷封殖哈密永為不侵不叛之臣以制番使相破滅此伐交之上謀也且請廣屯種興鹽利預收糴以足邊儲而薦都御史馬昊陳九疇副使施儒揚必進堪統軍旅吏部言諸人皆不可用公遂引疾致仕三疏始得請居亡何起為南京兵部尚書叅贊機務不拜猶手疏勸廣嗣育容直言惜人才未幾薨于家賜諡端敏贈少保公忠貞

廉約練暢世務而尤愛惜人才其憂國薦賢之心老而益篤初抗論逆藩幽囚遠戍間關九死及遭 聖明益感知遇危言正色蹇蹇匪躬朝

野想其風采雅志儉朴位居端揆布素如寒士門無私謁接引後進談議世務終日忘倦嘗曰學貴經濟不專在詩文也讀衍義補著膚見四卷居遼陽著春秋志疑十八卷幼精騎射及遇盜于滄敗揚虎劉六群賊述滄洲退賊事略一

卷德安行稿太平寶慶雜稿各二卷姚源建昌征案東昌撫案共十卷撫蜀雜稿一卷讀易私

記四卷詩文二卷自述年譜一十六卷其奏議
二十卷已行于世袁官刑曹辱公國士之遇命
其子純受易及公去位時顧謂袁曰吾老矣天
下方多事子其勉之公之所以望袁者何如而
袁乃若此已邪純之赴肇慶也走姑蘇請曰先
公知子子不傳先公而誰傳邪嗟乎士為知己
死空言奚足酬哉以公之忠勲而袁附以不朽
是予之幸也夫

論曰方宸濠之謀逆也吏于江西者咸劫於積
威勢怵利啗惟其欲之是聽志富貴結腹心如

潘鵬王綸者不少也間有稍知逆順者不過循
默自保觀望規避以脫虎口為幸耳孰有奮不
顧身如胡公者哉疏朝入而禍夕發左右出入
門戶寢居皆逆徒也而竟脫身間走得免灰滅
及械繫掖庭備嘗百毒朝之用事者悉受濠賂
遺批抵機穿幾陷不測卒賴御史徐文華等抗
章申救僅而遠戍而濠之逆謀始彰露中外亂
臣賊子人思誅之矣然而已卯之變孫許駢戮
遠近震驚向使當國者採徙薪之謹謀謹履霜
之明戒先事制變禍亂何自而生哉胡公身不

踰中人言期期若不出口及論大政事決大疑
侃侃諤諤守死不回居常憂國不遑寢食事有
不可者即閉門草疏無少顧忌嘗憤守正者遭
誣落職懇懇言之正色立朝孤立無與今皇
帝知其忠鯁雖數進逆耳之言而曲加優納不
以為忤一時新進用事之臣雖極恩寵然天
子所敬憚優假者胡公一人而已見幾勇決進
退有禮世尤高之孔子曰所謂大臣者以道事
君不可則止莊助曰古有社稷臣招之不來麾
之不去若胡公者其近之矣

御史大夫盛公傳

天官臺先生集卷之七

三六

御史大夫盛公諱應期字斯徵蘇之吳江人也
其先出宋叅知政事文肅公度高祖寅文皇
帝時官御醫有寵曾祖泌不仕祖昕父瓘俱以
公貴贈官公弱冠舉弘治癸丑進士授都水主
事管濟寧牐牐當孔道公私舟爭利先進公束
以法而時啓閉之吳文定公寬以少宰赴召時
方封牐蓄水以濟漕船吳公尊官也守牐旬日
乃聽得過公之中法吳公之樂成人美聞者蓋
兩賢之中貴人奉使往來威望風歛踐挾私貨

者輒没入之時太監李廣僱用事諸中貴群愬
于廣廣固啣之矣而廣之家人販私鹽南來聞
公嚴悉投鹽水中廣益怒乃嘆太監秦文誣奏
公阻薦新船為大不敬詔逮錦衣衛獄謫雲南
安寧驛丞稍遷祿豐知縣祿豐古祿瘁也烏爨
蠻所居俗獷悍習盜公不鄙夷其民教以禮法
而弛捕盜之禁盜咸首伏化為良民陞順慶府
通判管糧稽逋擢伏宿蠹盡革父喪歸道陞武
昌府同知服除改長沙陞雲南按察司僉事分
巡金滄洱海諸道所至屏庸景東知府陶某土

官也父子信讒日相讐殺公縛其讒人寘之重
辟曉以大義父子如初武定知府鳳英死其妻
攝郡事而子朝鳴竟狡不法肆行剽奪民殊苦
之奏下所司觀望不理公出鳳不意單車馳入
其境母子惶怖伏罪乃窮治其黨歸所侵奪於
民公策鳳氏終必為患請降其秩設官制之因
會奏于 朝議寢不行後鳳氏卒叛如公言復
建議請閉銀礦以絕禍源而鎮守太監梁裕會
虐無厭公與巡按御史張公璣副使晁公必登
共禁制之裕因誣奏公及張公晁公俱逮下制

獄張竟考死獄中諸大臣及言官連章申救會
乾清宮災赦出先已進本司副使乃得復任尋
陞河南按察使清嚴彊察威禁大行陞山東右
布政使謹出納屏羨餘正已率物胥史莫能為
姦未幾陞陝西左布政使鎮守太監廖蠻縱其
弟姪廖鎧廖鵬魚獵民財侵盜官帑效賊狼藉
有司脇息莫敢問公以法剪其羽翼廖滋不悅
思中傷之乃檄公督造絨罽檄文嚴峻費且鉅
萬公按籍知廖前已侵費數萬不以上供持數
示廖將奏之廖惶恐跽謝乃不復造 武皇之

西巡也駕將至榆林人情恟恟衆議加賦以備
供億公請於正賦內每戶以丁糧為差出銀米
若干聽准來歲賦入之數民爭先輸納比 駕
至士馬供億咸有調度而處之裕如若無事者
時江彬扈從寵倖勢焰薰灼自鎮巡以下咸重
足屏氣呵喩如奴隸公獨與抗禮干請不行同
事者咸歎服焉 武皇帝亦知之曰盛某好官
也明年四川缺巡撫陞公都察院右副都御史
蜀險遠夷獠雜居天全六番招討高文林數出
寇掠而流民謝文義亦糾蠻為亂皆討平之

捷聞壘書褒嘉錫以銀幣丁繼母憂歸今 皇
帝登極起為江西巡撫江西遭宸濠兵燹之後
歲饑民窮寇盜充斥而鄱陽湖尤為淵藪盜出
沒其間者漁舟為之鄉導公令編號以驗其出
入而調遣官軍以防邏之立團保之法使相覺
察盜無所容一時迸散於是輕徭賦議賑貸奏
免雜調緡錢者數十萬請留解運者數萬輸米
南京者四十七萬銀二十萬而積穀以備荒者
亦百餘萬有 詔賜羊酒幣帛尋陞兵部侍郎

兼都察院右副都御史總督兩廣軍務前任兩

廣者多通土官覬謁土官多玩易之號令墮弛
而蠻寇竊發公至大閱鈎稽簡料凡太監及總
兵私役軍者悉勒歸伍而兩府官屬之暴橫者
痛抑之且檄下兩省及湖廣諸路凡所調遣悉
聽關白乃行由是二府不悅大興讒構矣歸善
縣賊李文積據桃子園為亂發兵討捕生擒文
積及其黨李萬全等斬首一千一百三十級俘
四百餘人土官劉召據思恩以叛討破之斬首
一千九十七級俘五百餘人召赴火死餘黨悉
平田州土官岑猛作亂事聞下公體勘公上疏

陳方略下兵部覆議而公已改官矣初二府嘗憾騰謗於當道當道者欲事調停遂除公工部侍郎提督易州山廠實奪之權也乃引疾致仕會河決徐沛漕渠不逼朝廷憂之詔選廷臣可以治水者僉議以公名上陞公都察院右都御史總督南北直隸山東河南等處河道時尚書李公承勛胡公世寧建議欲於昭陽湖東別開漕渠而僉事江公良材議同及少卿黃公綰詹事霍公韜亦各陳便宜並下公看詳公親詣其地相度咨訪議既克協乃上疏言黃河之患

古今所同而中原之地平曠夷衍無洞庭彭蠡以為之匯故遷徙不常為患特甚而其性避高就下非多為之委以殺其流未可力勝也弘治以前河下潼關即分三大支其二大支俱出汴城以南東行由泗水經淮入海其一大支則出汴城以北東行至兗又分二小支一出汴之飛雲橋一出徐之小浮橋俱入漕河徑下邳州會淮入海正德以來汴南二支湮塞并入汴北一支於是全河東下至於徐沛俱入漕河自此汴河無患而徐沛適當其衝近年河漸北徙小浮

橋亦已湮塞自曹單武城諸縣楊家口梁靖口
諸處奔潰四出徑趨沛縣漕河橫流出於昭陽
湖之東泥沙壅塞勢緩則停遇坎則滯致淤運
道為今之計大畧有四曰䟽曰濬曰築曰改䟽
者䟽上流而殺之也濬者濬故道而順之也築
者築長堤而障之也改者改別地而不與之爭
耳夫上流不殺則決口不可塞長堤不可築而
河防不可成河防不成則淤不可濬而故道不
可復此今之漕河所以不容不改也廷議以聞
詔可以春和興役而公已命官分治舊河使通

漕船堅築隄岸以障黃河之衝復濬趙皮寨條
家渡諸處以殺上流之勢乃簡屬吏之能者以
任新河之役量地以授工程功以授食役不告
勞財不告匱垂成而謗興有詔罷役而公得罪
以歸矣時戶部尚書鄒公文盛刑部尚書胡公
世寧咸力爭之公家居七年更赦復職致仕大
臣言官數論薦竟不用以死惜哉

論曰余觀盛公之治河而知天下之事難成易
敗也昔堯命鯀治水九載績用弗成乃更命禹
古之人興事建功若斯之慎也而景泰弘治間

徐有貞劉大夏治水張秋亦困於多口賴朝
廷之明謗讒弗行卒以即功信哉事之難成也
余嘗道徐沛間詢盛公治河事皆有法工纔四
月耳而完者已十八九使當時稍假以歲月烏
患無成哉公剛果廉幹嚴於馭吏請謁弗通怨
謗弗恤庶幾有大臣之風余故傳之冀國史採
焉

湯隱君傳

隱君名爾字文守吳人也大父彥祥官大興縣
知縣大興公嫡子濱者無子而弟瀚之仲子為

不登堂先生集卷之七

三

隱君乃立為濱後隱君事所後父母如所生父
母且均執三年之喪事庶母陳有禮伯李皆高
貲而隱君獨齋約友于懽怡不忤不求此其孝
友今之人能之哉嘗受易于故信陽太守施公
文顯強記博識華實彬蔚凡經史子籍下逮稗
虞伎術百家之言靡不綜述泰嘗隅侍觀隱君
範儀端凝意思安和洵恂如不出口而詞有婉
切曲中事理聽者悚服故京兆祝公允明以文
藝師表海內嘗賦懷友詩感海內名流而隱君
若首嗟乎祝公豈妄許可者邪早歲挾貲歷齊

魯燕趙觀山川土風人文久之歸吳築園灌園
時植果木棄絕貿易買屋閭闔城門收其塵息
計口而食而家業稍殷乃隱君則泊如也隱君
善居鄉居家睦族里喜賓客非難周賈難殫述
矣袁子曰書稱吉人為善惟日不足如隱君者
終其身無踰閑無蔑禮一鄉之人愛且敬之無
間言非所謂吉人為善者耶

司經局洗馬尹公誄

并序

嘉靖六年二月二十一日己亥故司經局洗馬
尹先生卒嗚呼哀哉帝鑒弗察神聽遠而邁此

大倉書先生集卷之七

五三

閔凶胡弗憖遺人亦有言金石難敵百祿攸綏
莫匪豈弟蘭以薰摧玉以鎮玷棘也云茂璫琅
或銜嗟乎虧盈不齊報施或淫跖壽淵天匪徵
自今君子肅括議道自己舍命弗渝朝聞夕死
嗚呼先生短折弗遐吉往凶歸委耀彫華業崇
秩卑抑志墮名國喪儀羽士蔑典刑曰余小子
夙荷采甄惠以周行敢不勉旃疊疊德音孔卓
而昭今也云亡孰示不佻令聞于宣芳烈靡紹
顯諸撰述庶其有詔何以宣哀載觀誄詞勒之
旗旌百世可知誄曰嗚呼先生含精抱和研幾

秉哲量宇淵塞風規峻潔早歲飛聲遂播芳烈
藝圃騰蹕詞場截寡縵思雕藻粲若虹霓約理
粵辭根柢標揭鵠舉鸞驚握瑾懷瑜璧被和璣
孚尹自殊載礪載錯蒨其庶隅工師于邁為連
為瑚冠我多士蹈于天衢展也君子醇乎大儒
華實並茂噐幹斯隆發策金馬卒業銅龍王
之吉人行行雍雍既載彤管遂保青宮潤色鴻
業揚厲膚公羽儀具瞻模範攸崇總統群籍同
異是究玉几黼幄在帝左右爾有嘉猷入告
我后夙夜媚茲珎附奔奏大人格心申錫簡

懋冀斲梓材明堂云構溫溫恭人顛實揚休具
曰邗彥莫其大猷胡墮而蹈志盡年道金石鈞
鑠逝如泉沉蕙折蘭摧悲此勁秋天弗愆遺與
善為讐朝失楨榦士喪典刑杳杳玄路蕭蕭素
旌几筵備物以象平生潛寐弗寤永閔精誠畫
幌翬翼游魂于征遺筑在夜擗踊靡寧凡我及
門義切心喪德音在耳孰也可忘心悽日泣五
內摧藏敬陳誄文敷此腎腸

祭故少保大司馬端敏胡公文有序

少保兵部尚書胡公以庚寅之某月日卒于仁

和某里之私第嗚呼哀哉國喪楨榦士摧儀表
天不憖遺吾將安仰癸巳歲仲秋之望泰薄游
臨安追念疇昔知遇之恩竊懷死生契闊之感
履宿草而悽其伏堂封而涕泗爰陳鄙辭式薦
清酤其文曰倬矣胡公允文允武神降海嶽篤
生申甫昔在強藩元凶構逆抗䟽發姦幾蹈不
測錯甘吳戮汲寢淮謀請室久繫遼左遠投忠
瀕九死節貫百折公之令名遂懸日月皇執重
離卿臺荐晉肅肅有位風紀爰振既齊五罰遂
掌六師正色率下朝之表儀嘉猷平章密議獻
納維 帝念茲世也寡合山立淵渟禮進義退
古社稷臣維公無媿公之勲業金石難朽爵秩
雖崇德澤未究卹典寵渥謚號光加華夷悼惜
朝野興嗟眇予小吏嘗侍司屬封非謬甄洎塵
誤錄獎引周至訓誨殷勤竟遭玷缺徒累高明
纍纍堂封奄觀宿草敬奠一觴陳辭以告

祭玄冥回祿文

孟夏但暑盛德在火融風乃作布茲赫羲燔我
郊厲騰光橫厲裂灼玉石散披雲霓哀我遺黎
倉况不寧屏攝倣徙凜焉兇兇維是在位用震

厥心行火所掀俾保所徵豈其出內速疾君愆
秉我瓊瓚昭假明神庶幾撲滅惠我上下玄冥
為壯回祿維牝決以時息洩其滔淫無或昧蔑
寧莫我聞群祀攸司敢不祗告

祭中大夫叅政張公文

維靈肇濬昌裔夙承遐澤先烈丕嘉鴻軌啟式
懿膺淵英靈脩準直紬緒丘墳研幾疏籍卒業
南宮蜚聲東序策荐賓興宏馳髦舉雲翮冥翔
鹽車失利設武中都牛刀小試法禁明壹玄化
滂流稽弊班程讓格彊柔賦均土則訟簡纍囚

洋洋絃誦男歌女謳崇墉疊雉經始版築物力
庀徒隄防洩蓄安豐有功楚相攸續蕃用阜財
灌漑種稔考最銓司剖符南陽報政期月叅德
龔黃肅肅憲臬獄慎低昂藩司左轄慈惠彌康
敦誼丘園無縻好爵曰利幽貞趣于寂寞於維
我師詞垣矩矱 皇之蓋臣日侍虎幄訐謏左
右寵眷斯隆優賚緋魚衍衍雍雍司存獻納夙
夜在公陟岵瞻號靡遂私衷季冬者月戊子者
歲凶問騰奔神情震憤哀踊籲天胡茲長逝息
彼形兆歸于太素凡我小子悲悼靡寧故陳醴

奠董格幽冥

祭祝京兆先生文

維君侯之睿哲洩天地之玄機漱芳液於藝術
博奧旨於文辭準皇墳以約軌黜百家之支離
曰漢氏去古其未遠庶斯文之在茲採精思以
述作宣英藻於端倪綜群言而廣涉歷九服以
疇咨洵多聞而洽見旁羅絡以無遺沐皇澤之
休薦遂策名于有司何抱玉而屢黜戢雲翼於
亨衢嗟豫章之竒碩弗見售于工師狗微祿於
嶺表沉下僚而弗耻理民務於夙夜流慈惠於
百里佐天府以聽政維豈弟以約已畏簡書之
糾纏返初服於桑梓雖志業之弗究侈譽聞其
彌張閔時俗之拘迫溷穢垢以含光維達人之
忘我窮意欲以娛康奄秉化以遐逝超至情而
上翔慨典刑之淪謝徒悼慕於遺章苟靈爽之
未昧或昭鑒於罍觴

祭施邦直文

維君金玉碩膚淵雲學殖摘藻揚芬脩嫵蹈吉
早驚書林甫通仕籍亨衢未騁濛汜已迫奄忽
泉扉沉淪異域大命近止游魂莫招含祿有禮

煥旒蕭蕭凡我同盟孰不悼悲我館戎殞匍匐
救之祖莫在庭興哀致辭水浮陸走歸窆玄墟
蒿歌已矣德音永違

祭吳懋憲文

維靈研文獲藝履道基仁翱翔世表游泳詞津
豈第且惠博約循循才華淵濬問譽日新金門
通籍彤陛垂紳甫辭家食式作王賓奄忽晨夕
長訣交親泉扉掩恨總悵棲塵几筵惻楚煥旒
訃訃祖送于郊首丘于閩天道茫昧孰究其因
共綴哀辭友誼莫申

天齋先生集卷之七

三十一

祭封虞衡主事伍公文

維靈履坦丘樊考槃澗陸練要脩姤彌性力毅
義高閭閻仁洽黨族栢松旌心蕙蘭中服平康
錫極豈弟千祿繁祉攸宜祚胤孔淑子奮孫騫
螽羽麟角金冊龍章賁于泉谷旣醉萬年假樂
百福以熾以昌衍衍疇弼眉壽未艾大命奄速
蔓草露零虞淵日伏旆旒有翩晴帷不復天則
為之靡究嘉告哀訃遠遺擗標悽蹙敬致一觴
庶鑒情曲

祭楊宜人文

維靈異質蘭芬坤儀王粟世胄高明弘農伊匹
敬佐君子有踐家室於穆吾州邦之司直嗣我
徽音百男斯殖小星肅肅螽羽蟄蟄溘彼朝露
帷軒自飭諷詠栢舟欠死靡忒然遺孤拊畜
備悉訓以書詩踐猷遇德承志祿養匪躬秉職
維茲滑甘有曠晨夕訃音奔馳擗踊莫及凡在
戚友嗟咨悼泣敬奠牢尊升臭窀窆靈其有知
鑒此楚側

祭董夫人文

維靈夙稟柔媛有齋恭肅天作嘉止世胄華族
相攸來歸燕譽載育繁藻靜嘉樞闕雍穆吉往
凶來蘭摧玉毀百祿未總大命近止蕭蕭素旌
哀哀蒿里祖奠牢觴昭假筵几

祭毛安人文

維靈王性幽貞蘭姿婉懿夙閑禮文丕承華系
作配君子徽音用嗣肅肅閭儀虔兵婦事既儉
且勤宗親燕譽命則弗遐奄然徂棄孤惟棲塵
冥旒滄泮籟竿敬陳幽明永異

祭王封君文

維靈挺殊材於梁益秘丘樊之德貞抗逸民之

高躅救素位以中行歛芒角於金玉播蘭芷之
芳馨儀靜山以成性抱淵冲而寡營胡仁者之
弗壽盡年邁而志毀彼勁木之堅孤亦梯摧而
條萎諒陰陽之遷易彭殤又焉殊軌維智哲之
委順乃達觀於斯理荷子姓之卓傑紹休訓於
夙聞縱天衢之冥翮宣藻譽於藝文忽飛書之
馳至述家難之憂屯銜哀踊以長籲念陟岵之
辛勤紛五情之震潰指故域以奔趨暖玄雲於
黼翬結淒風於總帷陳几筵以備物象平生之
光儀薄陳辭以申奠冀神靈之格思

祭太學周生文

維靈弱冠明經趨庭說禮博敏旁該資材並美
丕承父兄卓有風軌卒業成均馳譽冒子雲翻
方舒蘭英遽委志抑年邁逢凶構否命也為之
悲曷其已箠箠者嗷嗷者泣淑慎乃躬之死
靡忒精卓旛旌顧瞻悼惻涉濟浮淮歸即玄宅
祖奠有辭靈其來格

祭王履吉文

夫哀緣情感戚以交與物無不毀理有難明膏
煎金棕彭壽淵傾嗟乎履吉竟天厥生昔在童

年英資物表川嶽含靈璣辰運巧孝文人倫仁
賢國寶德隣雍雍玄詣莊老文維只錦賦則金
聲膠豐浹馨沙朔騰名鄉夸二陸戶擬八荀竒
蹤電邁逸翮雲冥豐材蹇會脩塗跼步抑志丘
阿歸神泉路蒼旻弗仁胡測其故自昔有死溘
如朝露漢維賈生魏則文考唐之勃賀咸以材
天不朽維名孰著孰早君能立言亦復奚悼

祭伊師文

嗚呼先生昊天不弔喪此懿碩祿秩未崇壽年
靡極邦人咨嗟列士悼盡嗟予小子曷其執式

昔在童蒙顛愚寡識於維先生以引以翼潛心
董帷卒業庖易鉤玄極深章辨句析惠我諸昆
博約有則朋來如雲達材成德嗚呼先生學維
藝術行寔表儀黃中內含直方外資懷璵握瑾
矩步繩趨樂只豈弟敬慎威儀乃紹先烈克濟
世美學古入官休聞堂豈于深于祁大邦是理
仁懷威懲狙伏奸靡古有召杜今也可擬考績
循資位守炎荒爰觸瘴癘遂痼膏肓懸車端歸
與時行藏何期不祿奄爾云亡哀情踰匍匐義
切心喪矢辭告哀薄薦壘觴

祭施母吾夫人文

維靈植性亦嘉秉心貞壹華裔承休高門作匹
克相夫子邦之司直訓齊家人夙閑壹則栢舟
矢心之死靡忒蕭蕭敝帷信知皦日煢煢三孤
我拊我恤大耋之嗟奄之玄室哀誼忝葭蓍恩
同子姪夙昔登堂欽承懿式歲月潛移哀衷罔
極顧瞻几筵曷勝愴惻

祭少宰徐師文

荒彼且區百瀆之委禹績奄奠職方攸紀鴻流
海匯金庭嶽峙堪輿毓秀靈祇効祉實孕厥符

克生我師誕發神穎夙稟岐嶷醇精宅性間氣
毓資因材之篤元造匪私瑰玉在璫和氏則獲
時維少傅碩望有赫我師輝映乃尚瑤席方陽
垂顧騏驎振策明仄靡遺師錫自僉威鳳覽德
潛龍應占遂就輿軫肇服官聯在公夙夜有翼
有嚴中祕邃清群彥干坐我師弱冠九流綜博
賦奏甘泉書讐祿閣金匱之藏以斤以斲既掌
國史亦侍經筵雍容授簡暢叙微言鈎析疑奧
諷摘疵愆褒詞秀說罔陳於前惟 帝懋簡俾
代綸制巽音以申喉司是寄視草鑿坂秉筆螭

陸堯言風渙人文星麗髦士有造式重賓興南
輔郁郁定典文衡雅體跂變英才彙升事君
以人杞我國楨嘉績多宣輿望傾企太宰經邦
擢居其貳膺茲崇責以贊吏治眷命斯殷蒼生
拭目俟師被遇奮激廷追惟公暨明對揚休光
銓擇流品董正官方黜幽釐冗顯滯登良肅肅
天曹六事之首三王跨前我師步後權隆招甚
守正蒙詬悖憎傳僭竟困儕醜貝錦嗾厲起自
讒言蕙苾叢謗亦以涉嫌青蠅群嗜古今共然
跡雖或變道則奚愆我師明夷順受無對多口

何傷奉身而退舍車用徒拂衣辭位朝罷夕發
遵養時晦國是旋妥亮節彌昭清問勤佇屢顧
於朝西洛遲起東山誦謠鵬鴟旣逝弋者安招
廟廊永謝丘樊獨樂綠野蕭散平泉寥廓嘉樹
敷榮幽葩吐萼撫景寄懷將終一壑大人藎會
羽儀論道之云厄知深其身淹速乘變與化

屈伸我師出處曷愧古人小子顛劣早慕術藝
中遭三黜未售一第曲荷甄錄葑菲弗棄驥尾
幸接龍門叨際元歎信雋名以邕宣士衡信才
譽以華延矧予末學筮仕彛年許導唯拔獲免

登顛我師肥遯予亦謝劾偕共散復園井邑
方欣承教素衷實獲卒業後陳從遊暇日昊天
借信其肯愍遺中台倏折巨鳥遽儀邦域震悼
具位驚馳哲人其萎予將壽衣我師鈺粹允克
大序正惟汪廢終靳皇句沃膏徒屯宏施未究
既厚其生胡隘厥就秦風興愴橋言結悲脩途
乍西風詎豈違貞婺殉悅國士感知在三之義
悠悠我思几杖已邈寢筵猶設赤烏朝遺華軒
暮稅生榮死哀冥靈庶慊敬奠清醑腎腸如裂
嗚呼哀哉

